

銅仁府志

第四本

徐穆 字鍾汝生而穎異入塾受書即過目成誦中萬曆甲午舉人辛丑成進士除浙江崇德縣知縣以循卓行取禮部主客司主事遷員外郎出知福建興化府時方苦旱祈禱皆窮穆甫至即步禱於郊炎風捲地火雲蔽空肅衣冠行烈日中屬吏請入城少息穆曰我以禱雨出不雨不入也已而小雨仍不息屬吏以既雨請穆曰我以禱雨來雨不足不歸也移時遂大雨入土三尺郡人呼爲下車雨穆爲政務寬大簡而不擾部內晏然秩滿擢雲南按察使司副使人覲上語以閩俗獷悍撫馭爲難穆對曰臣未官閩前聞亦若此及守興化治固易也上復問吏治甚詳奏皆稱旨蒞任雲南清操自勵惠澤尤多時慶雲見撫按將以上聞商於穆穆答以大理苦旱激江苦水因未成災皆不以聞今以難知之天象爲祥瑞而遽聞於朝無乃不可遂止尋轉河南布政使司參政濱河郡縣居民歲輸束草以供築堤塞壩之需有司借名勒索久爲民害穆禁革之遷雲南按察使歷官中外二十餘年所至民懷吏畏治行卓著有閩游滇游詩草二卷卒祀鄉賢穆行轅楊 瘡 號鏡山萬曆己酉舉人官直隸灤州知州初至任判決庶獄州人驚以爲神灤州濱海與滄州接壤海賊出沒無常因時方用兵兵力不暇及乘間規掠無虛日瘡下車即以計擒其首從十餘人餘賊悉遠遁民賴以安崇禎三年五月大清兵克遵化永平瘡見重圍日逼城中兵少芻糧尤缺乏矢石干櫓鉛藥鎗礮守具無一備者乃聞於督師請速援援未至而大兵已拔還安進攻灤州矣州城戒嚴居民惶懼欲奉瘡出避難曉之曰不可刺史爲朝廷守土之臣與城俱亡分也豈有出避難乎况兵未至不能先事以防之兵既至又不能力戰以禦之死且有餘憾矣爾等速去勿恤我民聞言皆痛哭願効死勿去瘡督率居民憑城固守未幾食盡援絕城陷瘡死之督師上其事於朝贈光祿寺少卿賜祭葬廕一子詔祀灤州名宦暨本鄉賢祠子名時以廕生官四川成都府同知節徐樂撰傳

萬任 字懷翁崇禎庚午舉人甲戌進士除南直隸嘉定縣知縣縣苦漕重且多浮糧任至出示禁革之未期年而民風於變政簡刑清廷無鞭朴之聲野無追呼之苦日長無事集縣中士以詩文知名者相與雅敲唱和命吏胥鈔錄成集暇復課差役栽竹種樹每春夏之交草長鶯啼水流花放任乘筇與往郊外綠陰下藉草爲茵席地與諸父老量晴雨話桑麻時舉古人忠孝節義事爲津津道之無倦縣稱繁劇素號難治任操已以廉御人以寬坐理之裕如也以循卓擢河南道監察御史奉命巡察四門驄馬所至奸宄屏跡一

時畿輔肅然其由縣令內遷臥轍攀轅多至泣下何惠澤入人之深而民心感化之速有如是也卒祀鄉賢
葬郡城北十餘里照壁巖節徐榮撰傳

楊如皋 字師虞嘉靖癸卯舉人四川南溪縣知縣秀冕孫幼穎異勵志讀書言動不苟祖冕指謂諸子曰是兒不凡以器局儀表卜之異日必居清要爲臺省中人吾家其興乎已而果於萬歷癸卯領鄉薦甲辰聯捷成進士除順天府玉田縣知縣縣有老吏精於刑名歷任皆置幕中優待之事無鉅細咸取決焉由是淆亂是非頗爲地方害嘗奪某生田生訴於縣前令同護不直生經年索懸老吏反唆人誣以訟棍因斥革之置於獄縣紳具白生冤不允如皋蒞任詰得情實置誣告於法並懲老吏更爲生詳復圖縣以爲雪一奇冤鋤一巨蠹莫不稱快縣中鹽商貨鹽向用十四兩秤每鹽一斤泥水居半小民苦之訟於官令尉吏胥俱受賄不問如皋至悉屏舊日陋規禁雜泥水定用十六兩秤違者懲不貸商初謂新官出示具文而已仍不悅民赴縣訴之如皋取首違令者荷校以徇咸爲悚然積弊立除以循卓內陞雲南道監察御史正色立朝論事持大體不屑以矯激爲名巡按河南疏薦循良糾參貪墨政尙簡靜一如作縣令時著有課農瑣記卒祀鄉賢節徐榮撰傳

徐以遷 字赤海崇禎丙子舉人授廣東潮陽縣知縣明桂王時超擢廣東按察司僉事分守肇羅道時海賊嘯聚劫掠無虛日以暹軍騎詣縣欲其就撫值日暮遂留宿迨夜深人靜軒舳之聲與海潮相答賊聞之驚相謂曰眞異人也比曉坐帳中諭以大義莫不悚然聽命事聞遷廣西按察使司副使分巡桂林道勅賈朝宜劉承允等貪殘驕縱疏入不報遂乞歸督師何忠烈騰蛟贈以詩云十載勳名留兩粵一封疎奏上重坤時銀揮手歸田好運厄關心慮國危讀此可以諒其隱矣家居杜門有司欲見不得知府某於東山最高處建大觀樓招同寮與郡士露其成以過辭之教情乃往某笑謂曰斯樓據一郡之盛矣以遷正色對曰殆可以望烽燧而念瘡痍也某默然人以是服其直素賣茶園山莊晚年移家居之山在郡東地溪口之南由燕子巖取徑紆折而上山半有泉如鳴琴層疊而下約五十餘丈越此卽其別業山居無事種竹栽花每當春風扇和時鳥變聲往往招二三村叟於綠陰深處課雨量晴致足樂也後值土賊滋事率鄉人結營紫山禦之全活甚衆以遷身長九尺體貌豐碩有膽識遇事能決壽至九十四歲著述頗富兵火之餘悉散失無存行略

賈福棧烟火萬家舊制巡緝無專官盜警火災不時聞作爲行旅居民憂慮臣擬以前營移駐其地俾司彈壓且成犄角勢條上幾得如請以觸執政忌格弗行並從而中傷之乙巳秋入京陛見遂請級發宣化城工効力未幾鉅費難集工不舉監督以聞逮問刑部時丙午夏也部議以不能設法修城擬流杖奉上諭張殷臣遲誤工程本應治罪姑念從前居官恪謹尙可矜卹著釋放回籍殷臣生平篤於孝友輕財好施祿賜所入悉以分贍親族待鄉隣敦厚溫和遠近無少長靡不相敬愛里居杜門不出日督子姪誦讀雖饑病不繼晏如也卒年六十有三探微案撰傳

劉之仁 字德菴號潤亭先世爲江西南昌縣人繼遷武陵其大父名登松者復移居銅仁乾隆四年己未之仁始生幼業儒以家貧不能就外傳年十七入營伍十九拔本協外委操演嫻習賞罰不異私徇人見才能敏幹出同官上有都外委之稱性嚴重尋常見親友必肅衣冠坐立未嘗偏倚談終日無戲語情容識者謂之仁必貴三十七年壬辰金川賊蠢動徵調貴州官兵籍無之仁名其友彭定南勸之行且曰君骨相清奇又素懷濟時略機會弗可失也之仁乃請行上官許之既至金川時賊方張前敵疎於防禦我軍潰敗之仁與大隊相失偕一卒飢疲且甚伏叢莽中忽有人呼曰起起視之則一老者童頭跣足肩一竹籃語之仁曰賊至矣盍急避避之之仁以飢疲告老者於籃中撮細末一匙食之復以少許食其從卒咸覺精神陡爽適後路殺聲漸逼乃倉皇走莫知處人所在迨脫險追憶始悟是時烏得有老者殆神人呵護歟未幾海公蘭察攻喀爾密等處之仁皆隸麾下補本協千總適賊乘機樓一座極險峻不利進攻當事欲招致酋首以計圖之海公知之仁膽略其相委令以五品頂戴隨帶侍卒周崇殷入賊中議事酋首索諾木嚴兵以待之仁宣布朝廷恩威諭以順逆利害侃侃百餘言索諾木改容禮之請從命因留之仁宿開筵款洽器皿皆金玉宴畢舉以贈之仁之仁卻弗受前後三往功垂成矣忽當事者計中變欲乘酋不備以兵襲之謀既泄復畏縮不前酋以之仁爲欺已也幽之暗室率羣賊挑戰之仁乘間遣周崇殷逃回通聲息於海公崇殷不忍之仁獨留固請俱逃之仁堅執不可謂酋方疑我爲欺非留以示信前功俱棄矣崇殷請再三之仁拔佩刀呵之曰我豈不愛生爾同逃則賊疑而追捕兩死無益爾還報海公設策猶且晚可歸也不然我甯肯辱於賊手乎崇殷既還報海公親趨敵前與酋面語示無加兵意酋疑解之仁始得歸然困賊中已

七日矣未幾當事令之仁撲某洞將以陷之之仁不敢辭海公知之急率所部相助之仁奮不顧身首先登
礮大兵繼之賊遂瓦解方本果木之失機也原任川督劉秉田時在糧台之仁謂海公宜虛心相諮可得將
伯之助迄金川底定海公奏事上每嘉許之稱其洞中機宜蓋商於秉田者多以是服之仁之能知人焉是
役也之仁由千總游陞至雲南昭通游擊尋遷雲南鶴麗騰越兩鎮總兵署大理提督其鎮騰越三次時有
盡西野匪剽掠邊區爲民害民請兵甚急知州吳楷難之之仁便宜行事捕野夷數十人置於法餘匪咸率
服事平未嘗折一矢也騰越志備載其事後告病歸里於嘉慶三年入京兩次召見問金川事甚詳上加恩
發往四川尋奉欽命解四川軍餉銀三十萬兩經陝西巡撫奏留陝西軍需旋補甯陝鎮總兵時甯陝係新
築城池措置一切悉有法度以勦捕南山賊積勞成病未幾歿於營中壽六十三歲七年蒙恩准其營病故
例賜卹銀二百兩部議廕一子子如瑛於引見後給六品頂戴廕文生員准予南北鄉試先是之仁自騰越
歸厭城市煩囂置別業於鷺鷥崖課讀督耕屏絕外事嘗歎曰田雖薄不可以薄而廢耕也子雖愚不可以
愚而廢學也有子有田是卽歸之善狀而晚之樂境也因自頌其莊爲樂善云探徐如謝撰

駱朝貴 初冒田姓貴後復姓駱少有雄略英武善戰入松桃營充馬戰兵乾隆六十年黔楚苗變上命大

學士公福康安帥師討之二月初五日賊犯正大營總兵珠隆阿令朝貴燬尖巖山苗寨距正大營四五里
適福康安帥師至併力追之正大營圍立解不旬日賊復窺伺練兵花連布令朝貴前往攻截並解吳腦營
圍賊犯松桃花連布趨援城下都司孫清元出城接應夾攻之賊敗走松桃解二十六日攻克蘭草坪苗
寨石三保竄據黃瓜寨地最險要官軍屢攻不能入三月初十日大雨午後雨止是夜三更後出賊不意分
道前進賊率衆抗拒明日辰刻風雨交作官軍冒雨突擊賊不能禦向山後竄逸遂克黃瓜寨朝貴殺賊多
名拔歸化營總六月克老王寨擒首逆吳天牛兄吳老正九月克高多寨擒吳牛生拔畢赤營千總嘉慶
元年小竹山教匪高承義倡亂賊署知縣王繼德游擊陳紹先以傷重死提督花連布帥師討之賊抗拒朝
貴射死高承義擒楊通遲姚世龍等賞藍翎二年與義苗變初賊中有章七結類者少無賴游蕩楚南北間
無所得食歸楊言得異人術能避兵刃以紙扇揮之雖火器不能傷苗信之遂糾衆叛時大兵調赴湖北倉
卒無備賊犯興義黃草壩甚急事聞上命總督勒保回黔剿之朝貴從征敗賊於關索嶺四月擒梁廷和擒

雲南昭通營守備又由平昔解與義團實勳勇巴圖魯名號解青軍團糧安南營都司八月擒楊明王義仙
軍七結獲王抱羊等與義平賞花翎十刀擢提標右營游擊三年調安義鎮中營游擊四年雲南保匪亂由
分水領進攻拉蕪河五年攻拱干攻瑞卡俱有功四月凱撤補雲南新習營參將時川匪滋擾奉命督師討
之六月次瀘川府賊竄甯家場擢賞率輕騎追之先後擒斬吳學國等八人獲甘肅中衛協副將六年賊據
桐林聖擒徐萬富等六人誅之獲陝西陝安鎮兵七年賊竄谷口山獲首逆張天倫等五人誅之賞提督
銜八年調四川川北鎮總兵十四年擢湖北提督蒞任後整飭營伍訓練兵丁壁壘一新未幾薨於位朝
諡悼卹如例松桃志

楊芳 字誠村生而沈毅有幹略好讀書通經史大義應試不售遂入伍充書職楊遇春一見賞識之拔
補把總時川楚教匪稱亂王師征之累歲不能靖芳從遇春剿賊每戰輒爲軍鋒斬賊不可數計累擢台拱
守備賞藍翎嘉慶四年經略額勒登保進剿賊渠冷天祿包正洪於大竹適正洪已與儀隴賊台竄鄰水乃
冒雨突擊天祿於楊池遇春以勁騎二千一戰殲之進追至石竹河賊以五舟迭渡僅濟千賊餘賊數千方
臨岸登舟時芳已晉都司率九騎越山先至即磨礮大呼馳擊賊隔山不知我後隊虛實爭赴河陷淖者三
千餘人五舟以爭濟皆覆隔河賊呼號不能救俄大軍至騎浮而濟並追殲其先渡之賊是役功稱最賞花
翎擢下江營游擊五年閏四月賊渠楊開甲張天倫等趨渭南芳隨遇春倍道扼其東竄並遣兵守商維賊
議復西竄留張漢潮餘黨三千於後以綴官軍芳扼西河口去路而大軍三路偪攻連破之大小中溪斬首
一千五百賊合竄溪口伏兵四面燈之溝水盡赤生擒千餘人張逆餘黨殲焉芳由兩廣督標參將督廣西
副將賞誠勇巴魯圖名號八月連敗賊於成縣階州渡白水河入老林芳冒雨追賊及之於磨刀石手刃
十餘賊矛傷足墜馬仍徒步殺賊復傷臂官軍乘之大敗賊射傷伍懷志上聞而嘉之詔問受傷狀下所司
優敘六年五月張天倫與曾芝秀陳國奉等率衆六千合屯高唐嶺芳及遇春分路擊之擒斬三千賊復分
爲二芳夜襲天倫於白河浮賊殆盡遇春遂與芳邀擊冉添元於平利克之六月經略倡賊入川爲一舉掃
蕩計八月遣芳擊張天倫於西鄉俘斬盈千餘賊僅四百賊林通芳所追太平開縣之賊竄至南江經
略令芳殲東奔之辛斗於通江而自帥遇春追兩賊之高見奇觀學盛於廣元擒斬殆盡七年三月遇春移

剿奇文明賊自平陽合而東竄芳分路追截敗之於是楚賊略殄盡其南山遺孽經芳及遇春分兵十餘路
櫛比排搜亦所餘無幾矣逆渠苟朝久被芳剿急遂與宋應伏合竄漢南爲官兵所殲八年六月芳窮搜至
老林匿賊百餘突出熱屋洋縣芳追之入山八月有散遣之勇附之合三百人苟文潤領其衆勢復猖獗九
月通江已散之勇五百人復與合遂戕副將朱槐於山溝詔芳回漢北專防山內餘賊時賊皆百戰之餘忽
陝忽川忽聚忽散狡獪免脫無定蹤九年正月屢由安康窺漢岸圖竄南山皆爲芳所卻先後擒匪百餘於
是南山無賊八月芳搜漢北餘匪盡殄之各路皆報肅清芳擢實陝總兵嘉慶五年特設甯陝鎮節制子
午華陽黑河諸營汛以從征鄉勇五千充新兵地險兵悍爲漢北第一嚴疆九年三省截定經略參贊先後
還京師十年七月途有新兵之變時楊遇春以陝西提督入覲芳赴固原署提督事副將楊之震護甯陝總
兵營卒陳澤順陳先倫以停給鹽米銀事糾衆叛戕副將游擊賊黨蒲大芳等以芳素得士心先護送其家
屬於興安而後歸從賊遇春行至西安聞變即調兵進剿詔德楞額泰爲欽差大臣討之賊奔寧陽破洋縣虜
脅數千芳帥固原兵二百人馳抵石泉九月賊攻孝義廳分隊窺子午陷芳馳扼峪口德楞額泰令遇春以兵
五千自洋縣進剿而自帥兵四千繼之賊攻鄠縣芳復馳救力擊刼營賊盡戰竟夜身受數創黎明賊辨其
爲芳也自引去時賊黨已增至萬人又選步騎三千爲前鋒改摧蒲大芳爲首遇遇春軍於方柴關兵賊隔
河尚有相揖訊者及戰數合殺傷略相當大芳陷陣力戰伏賊繞出陣後官兵大潰遇春僅率親兵數十登
山斷後賊追至忽反走乃收潰卒扼方柴關次日芳馳至謂遇春曰叛兵皆百戰之餘驍悍習地利而官兵
勤勞九載瘡痍未復且與叛兵多同功一體之人以兵攻兵終無關志賊兩戰見吾二人皆辟易尙有舊部
曲誼請公按兵緩攻而某單騎入賊營曉以順逆遇春然之時賊矛林立或叩馬力阻芳曰我與楊公計之
熟矣天佑蒼生我必不死爲國息兵即死且得所何恨遂策馬前萬衆作愕芳故得新兵心又捫闔善操縱
見大芳等即痛哭曰吾與若曹戮力數年同患難生死今對壘如仇敵吾不忍見若曹罹族滅禍請先殺我
於是衆皆哭逾二日大芳誘縛先倫達順以衆降德楞額泰遂以叛卒窮蹙乞命奏首禍二百二十有四人盡
釋歸伍上切責其寬縱命戍降卒二百餘人於新疆尋爲伊犁將軍松筠所誅遇春降總兵芳坐馭兵不嚴
釀變謫戍伊犁德楞額泰既効芳恐物議不平復密疏申雪芳至伊犁未匝月即賜環命以守備千總補用十

三年同籍省親補松桃協千總十五年起廣東右翼兵人觀賞還花翎尋調西安鎮總兵十六年丁母憂十八年秋林清謀反既伏誅李文成踞滑縣詔陝督那彥成為欽差大臣帥師討賊提督楊遇春副之芳呈請効力奏補河北鎮總兵隨遇春敗賊道口鎮遂圍滑文成突圍出奔太行招賊四千據輝縣之司寨那彥成遣芳追剿芳伏騎白土岡誘賊出戰佯走伏起大敗之又追擊於南首山殺賊二千有奇是役也賊走山上殊死戰官兵畏賊鋒有退者芳拔佩刀立斫人衆効死遂大捷進奪司寨文成縱火自燔死乃合力攻滑時滑城未下而陝函三才峽賊又起滑城堅外磚內土中沙大炮攻之遇沙而止官軍掘地墜皆爲所破芳陽乘他棚進攻而潛掘舊隧滿實火藥至期將卒皆甲騎以待十二月十日平明隧中藥燃西南城崩裂十餘丈官軍奮前奪城蟻附入巷戰至夜共殲賊二萬免老幼男婦二萬有奇俘首逆牛亮臣徐安國等檻送京師滑縣平加提督銜賞襲騎尉世職十九年春帥師入陝大破賊擒逆自譚貴等詔優敘調漢中鎮總兵二十年擢甘肅提督道光元年調直隸三年調湖南五年調固原六年同齒張格爾叛楊遇春時署陝甘總督詔授欽差大臣帥師討賊尋以大學士長齡爲揚威將軍楊遇春爲參贊芳謂行許之時賊陷西四城距阿克蘇八十里十月大兵集阿克蘇賊扼柯爾坪地險要中隔戈壁將軍令芳襲破之焚其南北莊敗其援師七年二月師至大河拐賊三千來襲營敗之進抵洋河巴特沙漢平曠賊二萬距橫岡五六里芳與將軍參贊分三路進攻賊據岡下壓者再大兵分路奪岡賊披靡斬過半盡得牲畜糧糧糧進抵沙布都爾回城多葦湖樹林賊數萬臨渠列陣決水成沮淤使騎兵不得勝城後林中皆有伏賊難繞襲芳先令步卒冒險越渠短兵接復麾騎繞左右淺渠橫截陣賊大潰追逾渾水河三十里俘賊萬計復分敗林中伏賊及河橋援應賊越二日賊數萬據阿瓦巴特回城依岡背河我軍距賊十里止營夜遣吉林勁騎千分探左右間道繞出賊後次日壓賊壘而軍賊佯退誘我兵登岡而反乘之我軍鎗炮迭前籐牌兵虎衣躍入賊馬驚陣亂岡後伏賊起殊死戰而我千騎已繞出回壘後突擊其背賊大敗奔擒斬各半殲安集延二酋目追至洋達瑪河距喀什噶爾城八十里次日整隊至渾河北岸賊悉其衆十餘萬背城一戰阻河爲陣亘二十餘里築壘橫蔽之穴壘轟炮鼓角震天勢甚勞遣死士數百夜擾其營譟聲達旦是夜西南風起撼木揚沙大雩晦將軍以賊據形勢且衆寡不敵欲退屯十餘里須霽而進遇春持不可芳意與遇春合乃遣

梅玉林 號羣譜己酉科選拔長生玉立雙目炯炯有神識見深沈不喜以議論馳騁同治五六年間黔疆漸就肅清有悍賊數十皆百戰之餘逸入梵淨山時出劫殺附近居民畏其焚掠或有輸金帛求免者獨玉林與其內兄弟唐仁溥仁沛結山砦與抗賊無所得銜之深戊辰冬值天雨雪乘其不備攻砦立破仁溥仁沛幸脫走玉林被執賊知係玉林羣相謂曰吾等紛攘終無成子肯爲首乎願相下玉林罵不屈賊怒支解之死狀甚慘友人喻勳哭以詩云聊因避寇築山城豈道書生遽解兵力盡可憐身被執臨亡猶自罵聲刀光閃處劍光寒自古從容赴義難一死拚教伸士氣英風端不愧儒冠彤雲黯黯暮天昏景色淒涼慘莫言刺骨寒風吹不息何人翦紙爲招魂七字吟成永訣情須知握手待他生灑將千點重泉淚爲報鍾期舊日盟

張效銘 庠生咸豐六年隨同湖南官兵剿辦致匪出力蒙湖南巡撫賡保以歸部選候補同治元年三月督團攻剿苗匪賊衆數萬力竭陣亡於巖腦坡同時死難者七十餘人

楊作霖 武庠初在湖北撫標營充隊目以戰功歷保儘先遊擊賞戴花翎咸豐六年聞銅仁教匪滋事請假旋里適逆首鄔黑虎趙子濂正率衆復攻郡城鎮遠鎮慶督兵迎擊檄作霖帶團助剿遇賊於江口賊力渡河霖於山後突出攻其不備賊落水者不計其數賊酋在後見前隊敗挫分股由上流僻靜處涉淺而過暗襲作霖後霖丁不過數百人被賊前後夾攻坐馬被傷驚逸霖乃棄馬步戰賊衆圍殺手刃數賊力竭而亡屍被賊寸磔置之河干時同敗者至今猶涕泣能道其事云

楊春早 郡庠生咸豐七年鎮遠道銅仁府王委以團務令其相機剿辦殺賊不少旋以衆寡不敵爲賊所獲慘被炮烙寸磔而死

廖鳳彩 年二十餘胆力過人隨父避難客寨湖南官軍進攻五洞教匪派人下鄉督辦船隻備造浮橋概被賊擒時賊數不多彩聞之即馳往救不勝爲賊所獲賊首以彩袒護官軍剖腹剜心與羣賊烹食之

吳轉應 屢次帶團剿賊擒斬不少賊銜之刺骨於咸豐七年九月黑夜入其家將男女五人一并殺死

胡賢彰 同治二年二月賊至賢彰負母出逃力盡被執母子同時遇害

蔡永興 同治三年爲賊所獲問地方富戶避居何處言即免死永興祕弗告且罵不絕口賊怒殺之

喻宗騏 同治二年十月聞賊至已逃脫矣私念胞叔瑞廷在後未至回身往救因被賊鎗擊死

何景春 文童楚軍充當賊員解運糧餉至郭水地方爲賊所害

李允魁 年五十餘陷賊團既潰圍出復思老母尚在圍中奮身殺入欲負母出奈賊層層密裹母子俱被害

楊化通 武庠生同治五年十二月初四日方出外聞賊猝至即馳回比抵家賊跟蹤入宅生負母出後門登山賊追至欲殺母生以身障復跪求代死賊索銀贖命生以倉卒回家未攜銀錢在身賊怒殺之卒捨其母

蔣啓良 同治五年十一月賊至抵敵多時手刃十九賊力盡陣亡賊剖其腹而鬻割之

黃 錠 同治五年十月賊猝至計無所之與其女二姑投於河已沉水底被賊拽起殺之

楊吐秀 縣庠生性醇謹家貧好讀書不干外事同治五年入泮適清江苗竄入郡境秀應試未回聞警念家有老父星夜馳歸屋宇已成灰燼舉家不知所向宅後有山高數百丈秀登山尋覓不料山谷中藏有賊數十人遂被執衣履剝盡乃釋之時值嚴冬雪深尺餘秀繞山呼父者三日不得遇他賊終爲所殺

王開元 候選從九爲坡頭鄉團首同治五年十月大股苗匪犯境開元帶團堵禦在譚家坳與賊對敵手刃二賊身受數十傷而死

陳作霖 郡庠生交泰子世居大家洞時值荒亂棄儒業農壬戌夏賊竄至父久病廢霖棄妻女負父出逃疾走不餘里抵堂叔所居之木匠溝方叩門賊蹶其後認爲宅主奪其父索銀物霖再三求免賊遂捨父而縛霖迄無所得竟被鬻割以死

向化永 同治六年十月苗匪攻壘奮力抵敵中數十傷體無完膚其妻田氏捨身救夫同時被害

向述愷 同治六年十月賊破壘與妻安氏罵賊不屈均被賊殺

李春芳 武生同治八年十月清江大股苗匪突至村人呼曰曷逃乎曰徧地皆賊吾將安逃卽持刀出門與賊遇於深巷中短兵相接戰移時身受重創然猶手刃四賊力竭而仆時年八十一歲

黃 彤 文童同治八年十月清江苗黑夜突至其叔被殺其父避居壘內彤聞是夜至爲賊破急奔往救與其父俱爲賊殺

張能松 銅仁協慶瑞札委入賊巢探訪情形事露被賊鬻割死甚慘

湯 烈 庠生鎮遠慶瑞派入賊營爲內應事露被賊慘殺

楊擷芳 邑庠生同治丙寅正月清江逆苗下窺逼近龍魚鄉擷芳素任團務聞賊所過殘酷不忍鄉人遭其塗炭帶團往督無如賊勢甚張衆寡弗敵被擒不屈而死時第三子鵬昌相隨見父遇害奮然不顧赴敵捐軀族人同亡者有字光富昌勝國勝考勝才月照諸人忠義親睦之風洵足激厲人心已

王文定 武生木抱鄉團首素有胆略辦團認真所練團丁皆能實在出力賊屢爲所窘每欲復仇同治八

年十一月夜未及準備爲賊所殺

曾紀嵩 監生實心辦團賊深銜之同治四年十一月被賊捕捉遇害

萬才高 監生秉公辦團與賊爲仇同治四年十一月被賊捉殺之

萬學高 監生同治四年十月賊衆破堡被執不屈遇害

楊政祺 年二十四歲襲答鄉人同治五年十二月賊至攔頭迎擊先斃賊一大旗旋中鎗而死

楊通經 年茶鄉團首同治九年十一月帶團堵賊爲賊所殺

張成瑞 六家洞人青谿縣庠生賊至被執派令引路不屈被殺

蔡作霖 號雨蒼幼讀書應童試屢抑于有司乃棄儒入營伍以功授儘先千總保五品翎頂同治二年出

師違義在報國寺被賊圍攻營壘六晝夜糧盡援絕隨統帶官王國珍謀突圍而出國珍當歿于陣作霖手

刃數賊亦力竭捐軀作霖卽永蘭從弟一門忠義殊可嘉已

楊烈光 武庠生咸豐四年粵西賊陷廬州與艾延暉同日殉難

黃永清 咸豐間投効江西軍營以功擢把總十年六月粵賊竄新城縣永清充建武軍哨長力戰身亡

羅桂元 于咸豐間投入金陵大營以功授廣西右營游擊雨花臺打仗陣亡

楊深秀 客寨人郡庠生賊至齊團不及逢遇害

羅允祿 六品軍功咸豐五年教匪陷城在桐梓巷打仗陣亡

張瑞光平茶堰人訓蒙于外聞逆苗入境擬回家齊團堵禦行至高橋適與賊值逢遇害偏體重傷其死最慘

梅燦春 庠生同治三年九月賊衆入境春率團丁堵禦打仗陣亡

龔應璜 庠生同治元年賊衆攻卡力戰陣亡

余瓊芳 六家洞人庠生余作標父作標因體母受傷身殉瓊芳爲賊所執問同村富翁下落絕口不言賊

怒殺之

唐傳元 年六十四歲同治六年十月苗匪竄壘首先禦賊受鎗斃命

軍興位
年八十四歲馬賊不屈被殺

從九街年六十歲帶國軍賊陣亡

同治六年十月賊破至率妻韓氏起火自焚

聖光清 無顧身先聞衆屢取首級因衆寡不敵陣亡

羅盤律澤淵人昭臨王公閣堂人壯壯國盛武備學子至善治世聖賢之遺傳於世

大馬路四號豐茂洋行對面外灘三三三號

編纂者 吉本幸次郎 監修者 吉本幸次郎

卷之五 平陽府志

[illegible]

卷之六

天
地
人
三
才
一
理
一
道
一
氣
一
神
一
性
一
命
一
理
一
道
一
氣
一
神
一
性
一
命

1. The first step is to identify the problem or question that needs to be addressed. This involves understanding the context and the specific requirements of the task.

卷之四

卷之五

[illegible]

大德成中陰雨

卷之六

[illegible]

...

卷之十一

卷一百一十五

孝友

喻國選 祀孝弟祠名載舊志事實無考

楊通

杰照

監察御史楊如皋之族人也其母周氏臥疾兄弟爭拜禱求以身代閱三年不入內室萬歷三十

六年羣苗流劫至其家母被執去二人追鬪數十里被傷不顧至鬼空溪見賊繫母大罵聲震山谷橫擊萬衆中爲賊所磔死通照年二十五通杰年二十二泰昌元年巡撫李樞巡按史永安上其事旌曰雙孝之門見明史孝義傳通志舊志皆失載

國朝

王士偉 號子先郡庠生家貧性至孝時值吳三桂之亂奉親山中力耕盡養甘旨未嘗稍缺出爲衣食謀與親約歸期必先時至以慰倚閭卽遇人款留不忍從也母高年多疾士偉身侍湯藥夜嘗數起聞呻吟聲輒竟夕不寐一日爲母覓藥路遇虎呼天禱告虎卒帖耳去又過獨木橋有毒蛇盤其上祝之掉尾相讓人謂爲孝感所致母疾篤思梨不得俛士偉終身不食梨二親歿士偉廬墓三年荒山風雨每與號泣相間路人聞之皆涕下所結廬恆有白鳥來翔塚上徧生朱草人咸異之遇親誕辰忌日不茹暈酒守以終身伯兄早殞遠殯異地閱四十年極拮据力終得還葬祖塋仲兄乏嗣遵母遺命以長子永年承繼中康熙戊子科本省鄉試第三名舉人後任岢嵐州知州士偉生平尤樂爲善事散藥施棺力行不怠兩拾遺金悉還本主郡守邑令聞其賢造廬請見乃以庶人義不敢見辭之皆歎息而去督學張大受旌其門曰人稱孝友老人張斌贊之云昔有子騫今則子先孝哉二子千古稱賢評隲允當卒之日閭郡罷市爲文公祭並述其大節無愧古人云

楊炯通

世居西關外小江龍魚鄉地名池塘爲庠生楊政岐子政岐苦苗變避於六轉山隨衆紮卡堵禦

適出卡值苗逆追及鎗抵其背將發火政岐驚墮深澗忽有羣羊突起苗舍而逐羊因得脫焉政岐旣獲生當鎗抵處長一癰醫之罔效伏枕哀號謂藥皆喫徧但未喫人肉耳豈愈此必待人肉耶是殆痛極昏瞶無可奈何語也炯通憫父情切立刳左股以進政岐知之大驚父子卒相繼亡其行雖非正道然出諸至性之

銅仁府志卷之十三

人物

列女

節孝 貞烈 賢明 才藝

志之爲書首天文次地理亦見天道成於上地道輔於下乾健坤貞未可偏廢故扶輿磅礴之氣種於男子爲偉人爲傑士固嘗緯地經天轟烈宇宙其爲女子亦或爲節婦爲賢媛磊磊落落增光巾幗甚且稱爲女中丈夫然則列女之編何不可與列傳並垂也銅仁前明有劉氏三烈標冰霜之峻節荷

綸綍之殊榮立懦震頑有裨名教繼此興起尤多未容軒輊緬其堅貞罔渝金石其他賢孝秉自內則才藝衍其餘芬均不可沒急待表章自昔關雎麟趾化始閨門畫荻丸熊贊由母訓良非誣已志列女

節孝

明

楊 淳妻蕭氏

烏羅司人年二十二歲夫歿撫遺腹子誓不他適事翁姑孝養備至數十年如一日旌曰

婦居苦節

黃 偉妻明氏

烏羅司人夫故氏年二十七歲矢志守節苦婦四十餘載冰玉無瑕曲盡孝養巡按御史

邵光先旌之

國朝

何一鳳妻孫氏

一鳳維揚人官把總以辦理軍務卒於洞庭孫年二十六止一女遺腹又生一女家極貧

賴鍼黹度日閨範極嚴動必以禮及女長慎于擇配後二女皆以夫貴封恭人冰操五十七年享壽八十三

歲

劉世泰妻沈氏

夫故氏年二十一歲家極貧撫孤艱苦矢志靡他孀姑在堂生事死葬皆克盡禮堅節三

十餘年如一日雍正六年旌表

呂庠黃承恆妻沈氏

邑人年十九歸承恆爲妻逾年承恆故時遭兵火流離拮据萬狀氏茹荼飲蘖孝事

翁姑義訓弱子極盡艱辛六十四歲壽終學使郡守屢有褒揚巡撫元展成題旌

楊爲光妻薛氏 郡人年二十三歲爲光病卒氏寧事翁姑鞠育幼子始終無二志苦節四十四年雍正八年巡撫張廣泗題旌

張全舉妻郝氏 夫故氏年二十六歲遺三男一女家窘甚氏竭力事姑辛苦育子飲藥茹冰苦節五十四載享壽八旬乾隆三十年旌表

張立功妻袁氏 歲貢袁先聲女夫故氏年二十六歲柏舟自矢苦節彌堅三十年無間惜未及花甲遽卒乾隆二十八年旌表

徐爽妻劉氏 氏爲諸生劉兆亨女年十七歸爽爲配爽郡庠生穎悟好學能文章頗事著作不理生產

氏亦不欲其擾于外務家政無巨細悉力肩之井臼紡織下至浣濯灑掃日親其役怡怡如也無何爽病且歿氏痛不欲生以孀姑在堂勉視舍歟葬事畢甘荼蓼具菽水以婦道兼子職備極孝養訓兒則機杼夜鳴一燈課讀撫女則內則親授形影相依遇本宗子姪必教以教品立行講孝友睦婣之誼由是德化鄉閭譽

隆戚族古之賢媛不是過也守節六十二年壽至八十四歲乾隆三十七年旌表節邑侯敬文撰傳

萬阜妻楊氏 氏爲邑梅司楊再績之女十八歸阜爲室阜生有異徵方數歲有游僧自峨嵋來求見阜

阜匿不出僧言懇切父母強之出見僧即下拜阜泣走避家人咸以爲異阜素性靜默及長既婚數年無所出康熙二十三年忽出游莫知所之或云爲僧或云身故時氏年二十三矢志守貞孝養翁姑以婦代子家

道中落僅給饔餐氏晝操井臼夜勤紡績艱苦備嘗每歲時祭享悲哀涕泣慟感鄉閭繼謀爲夫立後取姪名中仁者撫之年甫三週教育辛勤慈嚴兼至稍長入塾受書束傷膏火之資悉取辦於十指中仁幼秉義方芸窗勵志弱齡補弟子員旋食餽事親至孝氏嘗自慰曰萬氏有後吾無憾矣氏仰事俯畜垂五十載乾隆元年年七十五無疾而逝三十四年始邀旌表六十一年乙卯科中仁少子湛舉于鄉製氏木主備鼓吹恭

送節孝祠親隣皆衣冠以從一時榮之中仁終明經生數子咸早卒惟湛克承先志云

採劉朝
詐撰傳劉朝詐贊曰

德無隱而不彰名無微而不顯方阜之出游生死未可必也稍知禮義鮮不有以自持而况孺人之秉性幽貞者哉獨其孝事翁姑義方訓子茹苦食貧歷數十年卒使家聲振起金節以終是爲難耳子明經孫孝廉朝廷褒之鄉閭頌之隱德之報顯名之加赫赫隆隆正未有艾嘻亦可風矣